



Synfocity = 1005

mail us at : mzsynfo@gmail.com; mizoramsynod@gmail.com - Phone - 2314648

October 3, 2025

- ❑ **Synod Executive Committee (SEC) vawi 314-na an ðhu**

September 24-25, 2025 chung khan Synod Executive Committee (SEC) vawi 314-na chu J.M. Lloyd Hall, Synod Office-ah an ðhu a, tun ðum SEC-ah hian thurel tura chhawpchuah 41 a awm a, thurel langsar zualte:

 - ◆ Central KṚP Inkaihruaina en ðat a ni a, chung zingah chuan Central KṚP hruaitu tur thlan ðhin chu inthlan awm tawh loin, ruat tawh tur a ni. Aizawl khawpui Pastor Bial aṅanga ruat ðhin tur a ni dawn a. Pastor bial 49 chu hmun thumah ðhenin, hmun hnih zel aṅangin bial tin aṅangin pakhat zel ruat an ni ang a, hmun khat hi term khat zel an awl ang. Committee Member-te chu term khat (kum hnih) chung ðan tur a ni ang. Central KṚP Committee Member tur ruat chhuahte chu General Conference-ah pawm ðhin an ni ang.
 - ◆ Social Welfare, Women & Child Development Department, Govt. of Mizoram aṅanga ruihhlo ngaite enkawlna Jordan Centre, Seḥawn enkawl tura ngenna chungchang SEC chuan ngun takin a ngaihtuah a. Heti lam kawnga rawngbawlna hi kan ramin a mamawh leh ðul em em a ni a, ram hmangaihna avangin SEC chuan lak mai ðha a ti a, rorelna sang ber Synod-a thlen turin a pawm ta a ni. Jordan Centre, Seḥawn lak leh lak loh chungchang chu Synod Inkhawmpui vawi 102-na, Zarkawt Kohhran Biak Ina neih turah thutlukna siam a ni ang.
 - ◆ Mizoram Universal Health Care Scheme (MUHCS) zawm chungchangah inremna kawng zawn a ni a, SEC chuan zir chiangtute zir chianna leh rawtnate a ngaihtuah hnuah Mizoram Presbyterian Kohhranin damdawi in kan neih pahnihte - Synod Hospital, Durtlang leh John Williams Hospital, Lunglei-in Mizoram Universal Health Care Scheme (MUHCS) a zawm chu rem a ti ta a ni. Memorandum of Agreement chungchanga tihfel ngai awm ang angte lo bawhzui turin SEC chuan OM kutah a dah a. Tih fel ngaite tih fel a nih hnuah Synod Hospital-ten MUHCS an zawm hun tur a hriat dawn a ni.
 - ◆ Synod Prison Ministry-in a thawhpui mek, jail tang chhuak, hawna tur nei lo leh khawlaia tal mai maite enkawlna hmun Khawngaihna In, Chite veng a mi chu an hmunhma-in a zawh tawh loh avanga Pu Vanlalngaia'n Synod hnena ram a pek chu hman hawh dipui a ni a. Synod Prison Ministry leh Khawngaihna In thawhho dante, Khawngaihna In dinhmun leh hmun hma an mamawh dante ngahtuahin SEC 314 chuan an dilna hi a remti a, Pu Vanlalngaia'n Synod tana ram a pek chu Khawngaihna In hian an hmang dawn a ni. Pu Vanlalngaia, Kulikawn hian Hlimena a ram chu Ruihhlo ngaite chhanchhuahna hmanrua atan a lo ðangkai theih hlauh takin tiin, May 9, 2025 khan Synod kutah a hlan a ni.
- ❑ **Mizoram Rural Bank-in Mizoram Christian College (MCC) Bus an pe**

Mizoram Rural Bank chuan an bank dincham pualin Mizoram Christian College (MCC) hnenah bus an pe. MRB dincham vawi 42-na hi September 27, 2025 (Inrinni) chawhma dar 10:00 khan an Head Office Auditorium-ah lawm a ni a. Pu V. Lalrinmawia, Manager Financial Inclusion in kaihruaiin, Rev. Dr. Rosiamliana Tochwawng, Synod Executive Secretary-in hunserh a hmang a. Pi Sheryl L. Vanchhong, MRB Chairman leh Dr. Tawnenga, Principal, Mizoram Christian College (MCC) ten thu an sawi a ni. Bank Day-ah hian Mizoram Rural Bank chuan Corporate Social Responsibility (CSR) kaltlangin Mizoram Christian College hnenah Bus an pe a ni.
- ❑ **Campus Ministry**

September 24 - 26, 2025 chung khan "Gospel Week" hmanpuiin Synod Home Mission School, Khawmawiah hun an hmang a. He hunah hian Tv. Lalrinchhana, Counselor bakah, Resource person atan Pu C. John Saiparlina leh Pi Lalsiamthari te an kal. Gospel week hi ni thum chung hman a ni a; thupui hrang hrang hmanga zirtirna pek an nih bakah, zai leh lama Pathian fakin hun an hmang ðhin a ni. Gospel Week chung hian Pathian venna leh malsawmna an dawng nasa hle a ni.
- ❑ **Trust**

October 3, 2025 (Zirtawpni) hian Khawhai North Pastor Quarters thawm ðat ngai en felin Tv. V. Lalhlimpua, J.E a kal.

❑ **Mizoram Christian College (MCC)**

◆ September 22, 2025 (Thawhtanni) khan MCC NSS unit-te chuan My Bharat portal-ah "Mass Registration Drive" hun an hmang a. He hun hi Dr. Lalrinmawia, NSS State Nodal Officer-in a hmanpui a ni. Tin, heng bakah hian Vikshit Bharat Youth Quiz chhanna neih nghal a ni a, student tiṭhate chuan NSS Mizoram ai an awh ang. NSS Unit MCC hian Unit 3 neiin - thisen pek, vantlang hmun tiṭhate leh College hmunhna tiṭhate te an hmalakna langsar a ni.

◆ Mizo Students Union (MSU)-in an buatsaih LESDE UPSC Challenge Inter-College Quiz Competition 2025-ah Mizoram Christian College chu pakhatna an ni. He Quiz Competition-ah hian Mizorama College hrang hrang 14 an tel a, intihsiakna round li neih niin September 17, 2025 aṭang khan neih ṭan a ni a, September 27, 2025 (Inrinni) zan khan College pathum - Govt. Hrangbana College, Govt. Serchhip College leh Mizoram Christian College te chu Final-ah an intum a. Mizoram Christian College aiawha zirlai telte hi - Remsiamkima, 5th Semester, Department of Management leh Rohmingliana Renthlei, 5th Semester, Department of Political Science te an ni.

❑ **PYF 25th Biennial Conference leh Golden Jubilee Lawmna neih mek a ni**

October 2 - 5, 2025 chung hian Presbyterian Youth Fellowship (PYF) Biennial Conference vawi 25-na leh Golden Jubilee lawmna chu Youth Recreation Centre (YRC), Falkland-ah Central KṭP, Mizoram Synod-in a thleng mek a ni.

Inkhawmpui thupui hi, "The Lord Has Done Great Things for Us" (Psalms 126:3) a ni a. Rev. Lalhawiliana Varte, CHT Synod, Rev. Dr. Rosiamliana Tochwawng, Executive Secretary i/c Central KṭP, Mizoram Synod, Rev. Dr. B. L. Nongbri, Principal JRTC leh Rev. D. C. Haia, PCI Moderator hlui ten thupui an sawi ang a. Pathianni zan inkhawmah Rev. S. C. Diengngan, PYF Leader kal chhuakin thu a sawi baw ang.

October 3, 2025 (Zirtawpni) chawhma dar 10:00 aṭanga chawhnu dar 4:00 thleng hian Ṭhuampui Venglai Kohhran Biak Inah ro rel a ni a. October 4, 2025 (Inrinni) nilengin Golden Jubilee lawmna hun hman a ni ang a, zanah Jubilee mei det a ni baw ang. October 5, 2025 (Pathianni) zing dar 8:00-ah Lalpa Zanriah Sakramen buatsaih a ni ang a, nileng leh zanah vantlang Pathian biak inkhawm neih a ni ang.

PYF Biennial Conference leh Golden Jubilee lawmna hi Mizoram Synod TV - Hruaina Eng bakah YouTube lamah Synod Information leh Central KṭP channel-ah live-a pek chhuah a ni.

❑ **Social Front**

October 4-5, 2025 chung hian Awareness leh Campaign nei turin campaigner-te hetiang hian an chhuak ang:

October 4-5, 2025	Phullen Bial	Rev. Dr. K. Lalchhuanawma Upa S.R. Thanghmingliana
October 4, 2025	Aibawk Bial	Rev. Dr. Lalrokhuma Upa Lallianmawia Dr. Robert S. Halliday
October 4-5, 2025	ITI Veng Kohhran	Rev. Zosangliana Colney Rev. V.L. Krosschhuanmawia
October 5, 2025	Falkland East Kohhran	Rev. H. Lalbiakhluna

❑ **Kohhran Hmeichhia**

◆ October 2, 2025 (Ningani) khan Zonuam Bialah Leadership Training neihpuiin Dr. Lalthansangi Fanai leh Pi H.C. Lalfakawmi te an kal.

◆ October 4-5, 2025 chung hian Lunglei Venglai Bialah Leadership Training leh Kristian Chhungkaw Campaign nei turin Ni. H. Vanlalruati, Pi Zodinpuui, Pi H. Lalṭhasiami leh Pi Lalngakliani te an kal ang.

◆ October 4-5, 2025 chung hian Bungtlang Bialah Buhfaitham leh Kristian Chhungkaw Seminar nei turin Pi Lalthansangi, Pi Zohmingliani, Pi R. Tlanghmingthangi leh Pi Lalrokimi te an kal ang.

❑ **Prison Ministry**

October 4-5, 2025 chung hian Serchhip District Jail tlawh turin Rev. Lalhleia, Director leh Committee Member-te, Rev. Malsawmtluanga, Rev. Lallianmawia Pachuau, Rev. T.C Laltlanzova, Rev. Benny Lalmawia leh Upa Chawngsailova te an kal ang.

❑ **SL&PB**

October 3-5, 2025 chung hian N. Vanlalpai Venglai Kohhranah Literature Campaign nei turin Rev. P.B. Zosaphara, Editor leh Pu Zohmangaiha, Asst. Editor te an kal.

❑ **John Williams Hospital-in kum 10 tlin an lawm**

October 1, 2025 (Nilaini) chawhma dar 9:00 khan John Williams Hospital, Lunglei din cham wawi 10-na lawm a ni. Lawmna hun tawi hi Hospital Common Room-ah hmangin, Dr. Ramdinthara Sailo, Medical Superintendent-in inkhawm a kaihruai a. Rev. Lalnunthara, Chaplain-in hunserh a hmang. Upa P.C. Sangthuama leh Synod Hospital aiawh ten thusawiin, Rev. H. Lalhmingmawia, A.S. Chhim Bialin malsawmnain kum 10 tlin lawmna inkhawm tawi hi a tlin a ni.

Lawmna hunserh tawi hman zawh hian free clinic neih chhonzawm a ni a. JW Hospital Managing Committee-in ruahmanna a siam angin Synod Hospital, Durtlang atangin Doctor 3 - ENT, Ortho leh Eye Specialist te an kal. Damlo inentir hi Ortho 81, ENT 81, Eye 127, General Surgery 45, Paediatrics 45, Gynae 41 niin, an vaiin mi 421 an ni.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	West Serzawl	Damlo	3	₹ 30,000/-
2.	N. Hlimen	Damlo	2	₹ 20,000/-
3.	Buang	Damlo	2	₹ 20,000/-
4.	Sailutar	Damlo	1	₹ 10,000/-
5.	Saikhawthlir Vengthar	Damlo	1	₹ 10,000/-
6.	Dampa Tlangnuam	Damlo	1	₹ 10,000/-
7.	Venghnuai	Khawsak harsa	1	₹ 10,000/-
8.	Saitual Bethel	Vanduaina tawk	1	₹ 10,000/-
9.	Kolasib Vengthar	Khawsak harsa	1	₹ 10,000/-
10.	Phainuam	Damlo	1	₹ 10,000/-
			Belh khawm	₹ 1,40,000/-

❑ **FM Zoawi - Aizawl & Lunglei : Hruaina Eng Radio Programme**

October 3, 2025 (Zirtawpni) @ 7:30 p.m. :

Solo : Mimi Lalmalsawmi - Isua a tel ve

Solo : Moses Remruatsaka - Lalpa a tha

Thusawi : Upa J.H. Ramnghingliana - Tunlai khawvel leh ringtute

Quartet : Min tlan ta

❑ **Hruaina Eng TV Programme**

02.10.2025 (Ningani) 08:30 pm : Thupui zir bing

03.10.2025 (Zirtawpni) 05:00 pm : Kristian Naupang Pual

06:30 pm : LIVE - PYF Biennial Conference

04.10.2025 (Inrinni) 10:30 am : LIVE - PYF Biennial Conference

01:30 pm : LIVE - PYF Biennial Conference

05:30 pm : Puitling Sunday School Zirlai

06:30 pm : LIVE - PYF Biennial Conference

05.10.2025 (Pathianni) 07:00 am : Sermon - Upa J.H. Ramnghingliana

08:00 am : Weekly round up

10:30 am : LIVE - PYF Biennial Conference

01:30 pm : LIVE - PYF Biennial Conference

06:30 pm : LIVE - PYF Biennial Conference

07.10.2025 (Thawhlejni) 06:00 pm : Nilaini zan thupui

08:30 pm : Kohhran Chanchin - Hlimen Kohhran

☐ **Moderator leh Executive Secretary-te Programme:**

Rev. R.C. Lalnghakliana : Moderator

Oct. 3-9, 2025 Kohhran tlawh - Mumbai leh Goa
 Oct. 10-12, 2025 Tuivai Presbytery hmanpui

Rev. V.L. Luaia Hranleh : Senior Executive Secretary

Oct. 3-5, 2025 Bangalore Kohhran indan programme
 Oct. 7, 2025 Sub committee pahnihah a thu ang
 Oct. 9-12, 2025 Tuipuiral Presbytery hmanpui

Rev. Dr. K. Lallawmzuala : Executive Secretary

Oct. 4-5, 2025 FG&CC programme - Tlungvel Bial
 Oct. 6, 2025 SMTC Committee
 Oct. 7, 2025 Trust Monitoring Committee
 Oct. 8, 2025 Social Front Committee
 Oct. 9-12, 2025 Champhai North Presbytery hmanpui

Rev. Dr. Rosiamliana Tochwawng : Executive Secretary

Oct. 2-5, 2025 PYF Biennial Conference
 Oct. 9-12, 2025 Chhawrpial Presbytery hmanpui

RAWNGBAWL HNA DIL THEIH

Synod Revival Committee chuan kum 2026-2028 (kum hnih) chhung thawk tur Synod Revival Speaker mi 60 a la leh dawn a. Dil duh te tana hriat tur:

Form lak chhuah tan ni : October 6, 2025
 Form thehluh hun tawp : November 21, 2025
 Interview hun : December 3, 2025
 Dil thei chin : Mizoram Presbyterian Kohhran mi, kum 30 leh 60 inkar
 Form lak chhuah & thehluhna hmun : Revival Department, Synod Office
 Beisei dangte : 1. Tualchhung Kohhrana thuhritlu emaw kohhranin thuhрила a rawih thin
 2. Zuk leh hmuam a filhim
 3. Presbyterian Bible School-a zir chhuak
 4. Kohhran inkhawm ngai pawimawh leh Revival rawngbawlanaa lo tel tawh thin

Sd/-

Rev. V.L. Luaia Hranleh
 Senior Executive Secretary
 i/c Revival, etc.
 Mizoram Presbyterian Kohhran

ADVERTISEMENT

Mizoram Presbyterian Kohhran Hmeichhiate enkawl Women Centre, Phunchawng-ah kum 2026 chhung atan Puanthui zir duh, Presbyterian Kohhran dan chhunga awm tan dil theih a ni e. Dilna Form chu Kohhran Hmeichhe Department, Synod Office-ah lam theih a ni ang.

Dil theih hun chhung - 13.11.2025 thleng
 Interview - 17.11.2025, @ 10:30 am atangin
 A hmun - Committee Room I, Synod Office
 Online-a dilna thawna tur - 9233437689

Sd/-

Rev. Dr. K. Lallawmzuala
 Executive Secretary i/c Kohhran Hmeichhia

